

觀經妙宗鈔

中

宗鈔卷

土城文庫

文庫17

W23

2



17
W23
-2

觀無量壽佛經疏妙宗鈔卷第中

知禮述

二辨體前文解釋能說所說能觀所觀皆能詮
名今辨此名所詮之體欲令學者因釜得魚尋
名顯體尋名意在忘名顯體知無別體此乃今
師釋名辨體之妙意也復應了知釋名是總總
三法故三章是別別三法故是故解釋通別二
名無不義具教行理三能說之佛既具三身所

昭和十年二月一日贈
法華寺藏書

010185193085

說觀境各具於三故云釋名總於三法體章別
在法身宗用別當餘二教相一章分別總別今
之辨體雖在一法一必具三故明體禮體底體
達三種之義雖論三義但是法身中三未明餘
二各三故涅槃玄云總唱秘藏故當其名法身
攝一切法不縱不橫以當其體般若攝一切法
如面三目以當其宗解脫攝一切法如三點伊
以當其用如此敷演卽是其教非但經體義成

餘義亦顯文畢今出其意空假皆中故三屬體
假中皆空故三屬宗中空皆假故三屬用用是
解脫特喻三點點是文字故宗當般若特喻三
分三三目目能照明故法身之三特泯縱橫彰離念故
字藏本故知釋名總於九法辨體別在法身中三然九
作二按不多三不爲少方是圓教總別之義此自分三
改初牒起略示名傍是賓體正是主名是假名體
是實質一切名下皆有其質二釋論下正釋

主質四初據二文定體諸法當處不生不滅非
空無能無所離言說相離名字相離心緣相離
此等相名爲實相無相之相也誰人不具何法
不然若論證知唯有諸佛故法華云唯佛與佛
乃能究盡諸法實相稟圓說者初心卽用佛智
照境故能信解諸法實相旣解實相亦解諸法
實性實體實力實作實因實緣實果實報實本
未究竟等十法旣實卽是實生實佛實依實正

一色一香無非中道一切諸法皆是佛法旣一
切皆實實外無餘復何得云餘皆魔事應知此
說以理簡情若離心緣能所等相名爲實相介
爾有相卽爲魔事故別教已下至六道法皆有
能所心緣等相魔能說之悉名魔事故知一切
皆魔一切皆佛以情分別一切皆邪離情分別
一切皆正今簡情取理而爲經體應知實相全
體照明稱爲真心亦名本覺覺體徧故諸法皆

實若指其要不離現前分別之念念卽本覺覺
卽經體無別經體以爲所詮以此覺心觀於依
正能所卽絕待對斯念妙觀之宗自茲而立若
不爾者何須得體方立經宗實相卽者卽卽符
卽亦信也亦卽定義乃以所詮定其大小及以
邪正理符佛肯方可信從小乘三卽無常無我
此之二卽卽於生死寂滅一卽卽於涅槃小乘
涅槃與生死異故各卽之所詮符此則可信受

是小乘經非魔外說大乘一卽卽一實相二種
生死三德涅槃其體是一究竟真實義符於此
可以信受是大乘經非小非外今據此經圓實
爲大若從彼論三藏對衍通別二教亦名一卽
今不取二唯圓實相名一卽也則能說之人所
觀依正四種淨穢五逆罪等其性不二以此一
卽爲經正體二無量下爲四章所歸無量功
德等者經用歸也經之力用亦名功德力有滅

惡之功用有生善之德滅一切惡生一切善是故功德受無量名如此功德共嚴實體其猶帝王治亂育民以此功德莊嚴聖躬種種衆行卽經宗也從理起行全理成修如水爲波波還歸永宗必會體故云歸趣通則萬行別觀十六故名衆行言說問答卽經名也能詮之名在於言說言義幽奧復須問答種種詮辨以立經名而彰實體問題目爲名何嘗問答等耶答名能詮

體一部言句皆能詮名如法華經本迹十妙以爲其名但題是總故就題釋名餘之四義皆徧始終故一經之名問答詮辨等從後向前示能歸法不別云教兼在名中自稟曰名化他爲教自他雖異俱是能詮故知四章同歸一體三譬衆下約二喻顯尊體於四章猶如北

辰衆星環拱ヒツルカ又似東海萬水朝宗セツルニ以其
四章不暫離體一切諸法無理不成經
體既然安得不辨ヒ四故以下以一印
結示三書家下具明體德體對釋名
但在一德所謂法身蓋釋名中總示三
法利根雖解鈍者未明何者以總示文帶於宗
用體混其中情想叵忘本性難顯故於總

後別示靈源永異四魔諸法皆實於彼圓伊當
上一點絕思絕議非用非宗而其性融一不定
一如伊一點點不孤然故直法身非法身法身
必具般若解脫故別顯體而談三義雖彰三德
意在法身以空假皆中是故明三名爲體德中
三初約禮義明法身書既以體而釋於禮故今
以禮而釋於體禮別尊卑意崇君父前明魔事
已揀偏邪今之臣子唯揀宗用故君父體卽是

法身諸佛所師萬法朝會體非修證理絕言思
欲使標心強稱貴極斯是本覺非寂非照亦是
法性非深非廣第一義諦名為本性法身德也
尋能詮名欲識此體體顯故行令修觀者以此
體德體彼依正一一貴極成妙宗矣 二復次
下約底義明般若德空即中故故般若德是諸
法底亦名本源淵府實際若得中體則能窮暢
也論云智度即實相般若佛以觀照般若於諸

法中證此智體故云窮底然法性甚深無有底
際云窮底者良由佛以無底際智稱性而證義
言窮底七方便人以有底智故不能到諸法源
底若圓教人從名字即以信解心窮智度底五
品觀行窮底十信相似窮底四十一位分證窮
底唯佛與佛究竟窮底以此底義辨於經體則
彰法性甚深第一義空名般若德也尋名識體
體顯故行令修觀者以此體德窮彼依正一一

到底成妙宗矣。三復次下約達義明解脫德。
假卽中故。故解脫德是一切法自在之躰。復具
一切真實名義。若識此體。則於諸法通達自在。
復於世間及出世間一切異名一中解多多中。
解一論云。般若亦實相般若。解脫名殊義一。故
底義底
字藏本互舉也。前明底義以觀照般若窮實相底。今明達
作達按
能通本義以文字般若說實相般若種種名也。七方便
改
入迷此體。故於諸異名壅塞障礙。圓教行人名

字體達觀行體達相似體達分真體達論今舉
佛究竟體達達義辨體則彰法性無量如來藏
義名爲真性解脫德也。今修觀者以此體德達
彼依正一一無壅成妙宗矣。三明宗宗謂宗
要此經之要在修心妙觀。感於淨土心觀卽是
一心三觀釋名之中其相已委感土之相此文
備論今經妙宗在此因果且分爲二初標列
二有人下隨釋二初簡示宗體以其宗體一異

之相人多惑之故須簡示文二初簡二初簡宗
體一二初牒言畧斥宗是因果此屬於事體是
一性此屬於理雖不相捨二義須分定執是一
於義實乖故云不用二何者下據義廣破三
初約義破宗是宗趣趣果趣理趣果必因若趣
理者要須修觀觀有明昧理有證不皆成因果
故云宗既是二體本是理觀雖趣理理非明昧
因果依理理非因果如波依水波有千差水常

是一故云體卽不二不談諸法同一理性則不
名爲大乘經體故云二卽非體不論修證因果
二法則非佛經所證宗趣也二如梁下立喻
破屋空梁柱雖不相離若謂是一則無虛實也
三宗體下舉過結云二簡宗體異二初牒言
破雖破是一不可執異若其定異則二物孤調
宗異於體則非全性而起成修觀行有作屬於
八倒旣不符理信非圓宗故云邪倒無卽體若

異宗則理不即事事外之理其體不周法性之
體既異因果則一切法皆成別有 二宗體下
舉過結 二今言下示今據普賢觀經驗其宗
體不定一異故彼經云大乘因者謂法實相是
大乘果者諸法實相是實相因果不異而異非倒
有即此為妙宗因果實相不二而一非事外理
為妙體豈同他立定一定異他不聞此偏說柰
何講茲疏文合知宗體唯想事境三觀廢施正

同次家邪倒無即可傷之甚 二今此下就體
明宗三初依經直示大乘之法其要在心心具
易知色具難解故止觀云因通易識果隔難知
故觀自觀他皆修心觀今觀淨土須求於心心
能造故心垢土垢心淨土淨此猶通示未是的
論的在一心頓修三觀此觀觀於安養依正畢
竟清淨名心觀淨此觀能令四佛土淨如是方
為此經宗致 二四種下約土廣明三初列四

土二各有下立淨穢隨文釋義教觀俱沈用
義解文解行可發前釋觀字文中明示一心三
觀又文頻示心觀為宗至結宗云修心妙觀能
感淨土今消此文四土淨穢須准此觀為四淨
因若依諸文逐其四土各論土因何能通貫前
後之文焉令聞者證無生忍初五濁輕為同居
淨者此淨甚通須知別意如戒善者四教凡位
皆悉能令五濁輕薄感同居淨而圓觀輕濁感

玄義六一
四十三葉左
同記六
淨土或同廿一

同居淨依正最淨如此經說地觀已去一一相
狀比於餘經修衆善行感安養土其相天殊
體拆巧拙有餘淨穢相者此土人衆淨相亦寬
析觀感穢可在三藏體觀感淨不專通人行門
三教對三藏析俱明體法通但空體別次第體
圓不次體三人生彼俱感淨相圓最淨如觀音疏
別向圓修圓七信去見彼依正同於實報住行
及通見相俱劣今經妙體須異三人故同居有

餘所明淨相文通意別須以前後頓觀之文妙
宗之語解此通文令歸的趣言次第頓入實報
淨穢者若論實證此土唯有圓聖所居別人初
地證與圓同稱實感報有何優降今就教道十
地不融致所感土異於圓人故約漸頓分於淨
穢言分證究竟寂光淨穢者若就別人同圓證
實論寂光者唯約真因對圓極果而分淨穢今
論教道詮於極果但斷無明一十二品寂光猶

穢圓知須斷四十二品名究竟淨仍要了知圓
人始終能用上品常寂光理而為觀體今談究
究竟成行人修心妙觀也三娑下釋名相但
釋土名畧指淨穢若的論四淨能感之因唯一
圓觀已如向述文四初釋同居同居約人淨穢
約土謂凡人聖人同居穢土也淨土亦有凡聖
同居二處凡聖凡即是實聖通權實始證為實
應來為權次於泥洹者泥洹涅槃梵音新舊爾

生安養者煩惱調伏近於涅槃故名爲次皆正
定聚者三聚判也若如此土博地凡夫屬邪定聚發心
修行未不退者屬不定聚得不退者屬正定聚
若生安養不論高下五逆罪人臨終十念得往
生者亦得不退故云皆正定聚起信論明初心
生彼住正定故小彌陀經云生彼皆得阿鞞跋
致同居淨中極樂當其上品土也若依今經十
六觀門圓妙修者通惑縱存生於彼土常覩勝

相如此土華嚴諸大乘會機所見也 二釋有
餘三初約修斷釋名九種行人合生彼土藏二
通三別住行二既修空假皆方便道別向圓信
所修雖實猶居似道判屬方便不生分段蓋除
四住約此修斷得名方便斷通餘別故曰有餘
垂記

二釋論下據經論釋相小乘雖云同入法性
而執法性體類虛空子果若忘永無身土大乘
法性體具色心子果若忘身土廣大釋論以大

對破小乘界外無土特云出界而有淨土小乘法性無有色心是故特云受法性身又引法華遇餘佛者即有餘土佛也此約滅後不值四依不生實信自謂永滅而生有餘蒙佛開權即能決了
三就中下明利鈍淨穢彼土利鈍唯約天說若在此土已修中觀生彼則利佛乃為說不次第法若在此土未修中觀生彼則鈍佛乃為說次第法也利根居上故云指上指下同此

利根所見同彼實報故名為淨鈍根所見相劣於上故名為穢以今利鈍驗前體析唯圓名體前三皆析別向觀中稍同圓體三釋實報三初約因果釋名行真實道者圓人從初別人十向能於諸法稱實觀中也中理今開即感妙報色心不二毛利相容純是法身菩薩所居尚簡圓似况七方便收簡語寬宜善分別二仁王下依經論釋相仁王借別而名圓位三賢十聖

玄義卷六
法華六
仁王
天竺
同記

借別名也。住果報者名圓位也。三賢既與十聖同住果報驗是實報不證中道寧住實報故知名別其義屬圓今取果報證實報土問前明實報無有二乘今那忽云迦葉起舞答須知四土有橫有豎仍知橫豎只在一處如同居士趣爾一處卽是實報若破無明轉身人者斯是法身同佛體用稱實妙報則六根淨人亦莫能預豈居二乘此則一處豎論實報若未破無明卽身

見者此是諸佛及大菩薩爲堪見者加之令見實報土也蓋有機緣雖未破惑已修中觀如華嚴會及諸座席雜類之機感見身土難思者是今引論文乃方等中爲彈斥故示實報土勝妙五塵令迦葉等頓忘少欲起動舞戲欲令聲聞知大法妙生忻慕心鄙棄小道此等皆是一處橫論實報土相故八部二乘機熟皆見也今以劣喻顯於勝土如其鬼趣居人境界有人捨報

如宗金
墮彼趣者卽同彼類非他人共有人卽身能見
彼趣不妨他人同見其相墮譬豎入實報土者
見譬橫論實報土也實報旣兩方便寂光橫論
同處亦復如是於同居處論三土橫豎於方便
處論二土橫豎於實報處論一土橫豎至寂光
處無橫無豎當處亦無問論云迦葉對於菩薩
勝妙五欲生愛之甚不安起舞至法華中迦葉
叙昔聞菩薩法遊戲神通不生一念好樂之心

二事皆是菩薩之法因何愛惡頓爾相乖答應
知二心俱是別感受於妙欲卽同體思惡於度
生卽界外塵沙如不肖子但愛當貴而怠修學
例淨名中斥身子云結習未盡華則着身畏生
死故五欲得便旣畏生死乃捐塵沙爲結習耳
又引華嚴無量香雲卽前所明同居橫示實報
之相三就中下明漸頓淨穢四釋寂光三
初剋體立名前三在事故從居人修斷因果而

立土名。此土屬理。故從本體三德爲名。問分證寂光三障未盡。何得一向就理立名。答障未盡。邊自屬實報。今就因果分位之處。名爲中下常寂光土。二諸佛下約能居示相。金光明云。如來遊於無量甚深法性。諸佛行處。過諸菩薩所行清淨無量。卽寂甚深。卽光法性。卽常。又普賢觀云。釋迦牟尼名毗盧遮那。此佛住處。名常寂光。常波羅蜜所攝成處。我波羅蜜所安立處。樂

波羅蜜離身心相處。淨波羅蜜滅有相處。故知此土乃從四德究竟處立。以四彼所顯於三德。常我卽法身。樂卽解脫。淨卽般若。三德互具。一論三。故法身等各具四德。雖云三四實非十。二學者知之。如是方名不縱不橫。秘蜜藏也。三分得下。明分滿。淨穢分得名。穢從證者論。常寂光名。從極理立。三故以下。據義結示釋題。觀字明圓三觀。至今明宗初云。以心觀淨。則佛

土淨爲經宗致。次卽廣明四土淨穢。今乃結云。故以修心妙觀能感淨土爲經宗也。若其不用圓妙三觀感四淨土。則標結文全爲無用釋題。三觀爲被何人爲何處用。若謂欲感實報寂光二種淨土。須圓三觀。若有餘淨。但修體空。若同居淨。只用事行。不須三觀者。此義不然。偏空體法種種事行。雖是二種淨土之因。非是此經的示宗致。蓋以此經本爲韋提厭同居穢求同居

淨故。談妙觀觀彼依正。那得輒云感同居淨。不須三觀。三觀若成。麤垢先落。非有餘淨。更生何處。豈有餘淨。非妙觀耶。須知正爲生同居淨故。說三觀。良由觀妙能破三惑。不獨感於同居淨土。隨其感斷淺深之處。自然感得有餘等三。如病須藥。本爲身安。求得仙方。修合服之。不但身安。兼能輕骨。身安可喻生同居淨。輕骨可喻感上三土。只是一藥効。乃深勝如一妙觀能淨四

土起信論說初心修行大乘正信懼在此土不
常值佛信心退失乃教求生極樂世界令觀彼
佛真如法身畢竟得生任正定故非圓三觀寧
照法身那謂極樂因唯事善四論用宗是自
行所修之法用是利他所施之法自行趣理故
明妙觀化他攝機含通衆善他宜妙觀亦須教
修自行助道豈廢衆善是故宗用法必齊等但
有自行化他之異耳文二初標名畧示力方有

用故言力用力用何爲生善滅惡也行者應知體宗
用三別明三法乃從一性起於二修體是法身
所顯性也宗是般若能顯智也用是解脫所起
力也二雖修成須知本具一雖是性全起成修
故非縱橫不可思議二德在性全指惑業卽是
性具善惡二修今體逆修旣全性具當處融妙
乃化他德故以此二爲經宗用用徧一切非無
惡用以順性故生善滅惡故染惡用稱性用之

最能滅惡。滅惡下約義廣釋。二初約善惡具明。既施力用必成功德。是故一用而有四名。偏論滅惡。須施功力。偏論生善。在於德用。斯是一往。若二往說。力用功德皆能滅惡。力用功德皆能生善。須知滅惡。極至阿鼻。生善。理合至於妙覺。方是圓經。力用功德。二若是下。就滅惡偏釋。二初無惡不除。所言滅惡。須滅惡因。方除惡果。如果報修因二種。行人不除三毒。衆苦之本。

縱暫免苦。終非永謝。今明化他修淨土。觀則令諸惡因果俱滅。惑縱未斷。生彼不起。斷在不久。故能永滅惡因惡果。以要言之。此經力用滅五住。因除二死果。二是故下。從重別顯惡之重者。莫過五逆五逆。是業從於上品煩惱而起。招無間苦。此經大力能滅此等極重三障。即生淨土。若此三障性非三德。何能無間轉為極樂。從極鈍根。且論十念生最下品。若從利根。非不能。

生上之八品以其五逆體是寂光故可於此淨
四佛土五判教相教是聖人被下之言相是
相狀覽而可別上之四義皆是言教謂詮名教
詮體詮宗詮用之教若以其用而分別之則令
覽者觀之顯了故約五時二藏漸頓而示其相
文二初正判所說教三初約五時判二初明教
部於大小乘此屬大乘經中亦有頓婆證小然
非此教正所被機今從正為韋提希等宜淨土

觀尚非通別豈是小乘於五時中是其第三方
等時也二赴機下明廣畧且辨文相未論定
散二約二藏判約入判法此屬菩薩阿含等
經雖說三乘從多從正屬聲聞藏大乘諸部雖
有二乘非部正意是故判藏歸菩薩也二約
漸頓若約化儀論漸頓者華嚴屬頓三時皆漸
經在方等非化儀頓今經頓者乃於化法以圓
為頓故就韋提卽身得忍判教為頓且無生忍

位別在初地圓在初住別教凡夫經無數劫方至此位唯有圓教卽生可入若將結益判教偏圓最爲明顯是故今文就其當機證位定之是頓非漸 二題稱下傍簡能說人若四人說如來卽之亦得稱經今經始末皆出金口故稱佛說 二分文下隨經顯義前取經中名等五義解釋總題總意雖彰別文難顯故須以句節定經文令義顯現總別雖異義無兩途方知玄義

釋此經復了既句不顯他義分二初總別科判總科分別判六章二初證下隨科解釋三初序分二初證信序卽是通序大論云佛將涅槃阿難問佛一切經首當安何語佛答阿難應云如是我聞一時佛在其處其國土與其大衆非獨我法如是三世諸佛經初亦然故知六義卽是通序以諸經同故亦名經前序付屬今安故亦名經後序結集者所置故今言證信者令聞者

不疑故論第四問曰何不直說般若而言住王
舍城答說時方人令人信故言六句者但以詮
義究竟爲句如佛但一字亦名句也二初標指
六句如是標於信者釋論第二問曰諸佛經何
故初稱如是答佛法大海信爲能入智爲能度
如是義者卽是信也若人有信能入佛法無信
不入不信者言是事不如是信者言是事如是
我聞異外道親承於佛故曰我聞不同外道不

稟佛也一時辨息諍者謂後熟受道之時故無
諍也釋論云不應無一時佛自言一人出世多
人得樂是者何人佛世尊也二如是下隨文
釋義六初標信信名忍樂理當言善方忍方樂
理當則不異名如言善則無非曰是四教言理
皆稱如是而有淺深若其三藏唯就世俗論於
不異及以無非通雖卽理但在二諦別教知中
要先破二唯圓初心卽諸法一中實當處皆

如稱此而談無非曰是故圓望三教皆不如是
此經所信雖未開廢而所被機不從偏小故但
就圓明於如是決定可信也此句既爾下之五
句皆以在圓故通序文通其義亦通而其意別
今以別意釋其通文故此云也 二我聞下異
外道二初正釋有在者在於佛也雖釋我聞意
多明聞次文明我 二我者下料揀二初立難
我有自在及主宰義凡夫小乘於人法中而着

於我今傳圓觀合順二空何得言我 二隨俗
下通雖二初直通畢竟空中雖我叵得此空即
俗諸我宛然今且約三分別我相橫計主宰名
爲見我俱生主宰名爲慢我隨世流布即名字
我阿難尊者至結集時尚破同體見慢之我豈
有界內二種我耶爲傳化故故順妙俗立名字
我 二如人下舉譬知無我理如用金錢隨俗
立我如易銅錢及草木等 三一者下辨息諍

二初示論釋二初釋一先約真破次隨俗立在
文可見釋論廣破一異者論云若一與物一一
與物異二俱有過問曰若一有何過答曰若一
瓶是一義在在有一處處皆應是瓶則無衣等
諸物一中之過既然二中之過云何答若一與
瓶異瓶則非二若瓶與一異一則非瓶若瓶與一
合瓶名一者今一與瓶合何不名一為瓶是故
不得言瓶異一彼文極廣蓋瓶顯可見故以瓶

喻時也一則是數時則是體若於數體定執一
異則諸惑紛然能離執者則於法解脫斯乃寄
於數體一文示離着觀令於諸法皆祛定計即
知六事及以諸文皆須離於一異之見也二
釋時此土詮召但直云時天竺二音若云迦羅
卽是實時云三摩耶卽是假時亦如此間心有
二稱言智是解心言識是迷心故令依智不依
識也外人執時以為實因是故對彼云三摩耶

顯時是假若內弟子依時而食護明相等乃言
迦羅顯時是實言迦羅短時三摩耶長時者若
據論文短時長時並名三摩耶也謂方時離合
一異長短等名字出凡人着心是故長短皆假
無實今以短長分對二名者恐是大師依建立
門巧會論意以依佛制時則生死時短外道執
時則生死時長既迴論文必有此意 二今不
下明今意言不論等者今非界內護明相等故

不論實時又非破外執時爲實故不論假時長
短如前但是衆生機熟佛應說經機應合一之
時亦是諦智合一之時故云一時文但從應故
云說經豈無機感佛空說法故佛說竟韋提悟
訖然一時文義本通深淺今意別在圓機感佛
故使凡夫頓入法忍 四佛者下化主三初約
異名釋大論第四以四義釋婆伽婆一能破煩
惱二有功德三巧分別諸法總相別相

故四好名聲無有得聲者如佛者故今文畧出
二義新云薄伽梵具六義一自在二熾盛三端
嚴四名稱五吉祥六尊貴以多含故不翻舊云
婆伽婆訛也 二佛者下約三覺釋佛者下總
示既能下別示三覺對迷說自對自說他對因
說滿一平等覺對三不同說爲三覺 三一切
下約起四釋一切智故異外邪礙無緣慈故異
小自度三智等故異偏菩薩空竟覺故異諸因

位能異不殊對所異故四種分別然釋佛義六
卽等說其文稍委故今畧云 五在者下論住
處二初釋住二初會在同住在暫住又一住分
乏故非盡理久在暫住有何所妨況靈鷲山如
來應身常在其中豈得言暫 二住者下約論
釋住此經云在大品言住其義不別故引彼論
住義釋在分二初標列四威儀者謂行住坐卧
此之身儀皆住靈鷲而能住法則有四差卽天

梵聖佛也 二天住下解釋今四住文乃是盡
取論釋住義是知四中皆明因果而所住法正
在於因所謂如來以攝物故示現施戒及十善
心此卽佛以欲天之法住王舍城爲物示現四
無量心示三昧卽梵法聖法住王城等此皆
如來隨他意住若隨自意卽以楞嚴至不共等
住王城也故普賢觀云釋迦牟尼名毗盧遮那
此佛住處名常寂光釋迦遮那既是異名王城

寂光畢竟無二故云此佛住處名常寂光今之
所住是何境界又應了知若以人法分於能所
施戒至於首楞嚴等皆所住法佛爲能住若以
王城爲所住處上之人法皆名能住又據經文
但云佛住論應唯就首楞嚴釋而明前三者荆
谿二解一從通以趣別從廣之狹也二將勝以
攝劣佛住王城必攝欲色及以三乘佛住旣勝
則無法不住非不住惡爲引物故且從善說而

於善中就世間善畧指定散收一切善故言天
梵於出世中畧指小大攝一切法故言聖佛他
人不明能住心法唯云身住王舍城等則仰極
聖同凡夫住况復凡聖各各有於能住之法且
如比丘修戒定慧乃以天梵及以聖住住於房
舍若破戒者則以地獄住於房舍其有能修一
心三觀則所住處卽空假中豈非撈嚴爲能住
法初心尚爾如何果佛唯論身住二王舍下

釋處二初各釋城山二初釋城二初翻梵名亦
名摩竭提此云不害言此國法不行刑戮其有
犯死羅者送置寒林二釋論下解釋三初約
諸王治化釋二又先下約移居免火釋三
又下約畏罪得處釋二耆闍下釋山二初翻
名二諸聖下解釋三初約聖靈依就釋二
又名下約山形似鷲釋三又山下約鷲鳥棲
隱釋二然法下總承法應不言報者報能冥

法復能垂應既言法應報在其中三身融妙言
且暫分體常相卽六與大下列同聞二初標
科辨次二聲聞下依次解釋二初聲聞衆二
初分科示畧二與者下隨文解釋二初標位
四初釋與與卽共義以七一釋七種一故方成
共義若據時判已屬生蘇且從本說七在三藏
同感佛時同鹿苑處同別脫戒同一切智心同
無漏正見同三十七道同有餘脫背同七者今

目同聞然此觀門佛將阿難及以目連入羣提
希後宮宣說大衆未聞至廻靈山阿難具述方
得同聞二大義下釋大華言大者梵曰摩訶
乃含三義謂大多勝故須就本三義釋之太人
所歸德量故梵王師陳如帝釋師迦葉等通
內外典識解多故出九十五知見勝故皆無疑
解脫故小中極雖標一大義必具三三釋比
五二初標列六義因三果三一一主對二釋

論下隨要釋三因三若成果三自剋復欲行者
效彼修因故釋因三三中初乞士今舉身子答
彼淨目乞士之義須離上下方維之食常行乞
食清淨活命故名乞士至果乃成應供德也
二怖魔魔主生死在家受欲增長生死出家離
染趣向無生是故魔王聞之生怖染欲破戒魔
還快樂勤修三學果證無生三破惡見思二
使共九十八名惡名賊修觀推窮名為破惡證

智斷盡名為殺賊四衆者下釋衆三初釋通
名二一有下釋別相三今此下明去取羯
磨通凡故取有差今此二傳者即有差真實也
論云是中二種僧可共百一羯磨同聞證信尚
簡學人前三絕分也二千二下列數二初標
入合數二初合一千二舍利下合二百五十
二迦葉下常隨所以二菩薩衆二初科四
文二天竺下釋二義二初釋位二文殊下

藏本起序三

翻名二發起序二初對辨不同二初泛舉差

按本松不改作

別放光如法華經放眉間光照東方萬八千土

二

也動地如大品世尊以神通力大千國土六種

震動微笑如報恩經爾時如來熙怡微笑也入

禪如金光明經是時如來遊於無量甚深法性

也白唱位號如梵網經我今盧舍那方坐蓮臺

也勸人令問如涅槃經普告衆生大覺世尊將

入涅槃若有所疑今悉可問爲最後問也然諸

經發起事或兼有之今且各舉一端以明發起之相二今經下正顯今經二初正顯二何故下釋疑二就中總科畧釋二初分科二

譯本問頻下釋三初問答釋疑二初問頻婆韋提皆

請弟子赴頻婆請何故唯遣目連樓那至赴韋

提何故如來躬親而往答頻婆國父願聞戒

法可遣人授韋提國母機有妙觀須佛親闕父

母之稀從閣王得二頻婆下頤翻名字三

初段下隨科解經初正明殺父二初分科 二
初爾下隨釋四初爲子幽禁二初隨釋經文二
初師資現事二初釋時處標入經云爾時卽當
佛在城不遠耆闍山時也前譯阿闍世爲未生
寃今方釋義處昭之曰有寃惡相占者預記因
以爲名 二隨順下明順友造逆五初釋惡友
名族 二爲利下釋惡友謀術二初從人學術
阿難親弟知取通法自未得通不知其心故授

與之 二心念下誘人同謀作象馬寶以輪王
事誑惑闍世作抱持等欲其生愛也 三語王
下明惡友言教正教造逆我殺牟尼以作前佛
汝殺頻婆以作新王新王新佛共化世間不亦
快哉 四隨順下明太子造逆闍世受教乃行
殺逆 五調達下明惡友調達自造三逆成
就復教闍世殺父成就害母加行自行教
他五逆罪故生陷泥黎 二頻婆下父子前因

救我仙人生惡念故即來爲子胎中已有害父之怨 二如此下總結權化調達闍世頻婆韋提皆是大權現逆現順利益衆生 三夫人奉養 三聖爲說法二初釋目連授戒二初釋疾至以其宿世事辟支佛今得神通疾至王所二授八下釋戒相初開香衣及上高牀以爲八戒齋在八外次合香衣高牀爲七不過中食爲第八則齋在八內法無增減數有開合皆名爲

八戒緣也 二富樓下釋樓那說法 四頻婆下法食延壽 二次害下明欲害母二初分科二初闍下隨釋四初爲子幽閉三初欲害母三初王問在不 二守門下以事實答 三王問其怒二初消經文 二應殺下釋妨難 二刳初下二臣諫三初釋勸辭 二以手下釋勸相 三驚怖下明從諫 三勅語下勅幽閉 二韋提下因禁請佛二初分科 二韋提下隨

釋二初請人一是門師一是佛侍先常教誡故
偏請二人既在深宮故請二人不敢偏一欲傳
我意請佛宜說生淨土因請人之意也 二悲
泣下請式科云請法卽法式也 三世尊下因
請往赴二初分科勝鬘等者勝鬘夫人也卽舍
衛國波斯匿王女末利夫人所生爲踰闍國妃
其後父母遺書云佛出我國神通自在普益衆
生勝鬘執書對使說偈云仰惟佛世尊普爲世

間出亦應慙我等邇來至此處卽說此偈時佛
於空中現復說偈讚云如來妙色身世間無與
等等今韋提哀請佛卽降赴其事相類故云不
異 二知韋下隨釋五初神通二初消文如來
之心寂而常照無數河沙世界衆生若于種心
悉知悉見非同小聖作意方知他心及以身如
意通皆無記通也 二問前下釋妨二初出妨
此難重出問不異前答不同彼言二解者一滅

卽今嫌佛之惡二生以得法之善何以故若佛
入彼頻婆之室卽念世王謂佛明父還謀國政
怨嫌既重後不行法故不躬往母無斯事故佛
親赴二時韋下色身三坐百下坐座四
目連下眷屬五普雨下雨華四傷歎請法
二初分科今向世尊下明請往生之因者卽二
意中第二請示往生淨土之因經云唯願佛目
教觀於清淨處文也初明供養問往生因者

卽第一意問往昔生中何罪爲因生此閻世惡
逆之子應知此二語同意別分二初我有下供
養問往生因經自絕纓絡舉身投地號泣向佛
卽三業供養絕纓投地是身號泣是口以二顯
意閻世之因已畧如前疏今但出調達之緣
二濁惡下正問生處二今向下請往生因
第二正說分二初泛科懸解二初科三段二
如來下解初文二初放下重科廣釋二初總

別分科酬前生處者前韋提請云惟願爲我廣說無憂惱處佛今放光照其淨土令彼見之以酬前請酬前淨業者前請云惟願教我觀於清淨業處今示三種淨業土妙觀即教彼觀淨業處也近答等者以韋提希於酬生處中因光見土乃再請云教我思惟教我正受此在正宗故云近答若酬序中所請卽是遠答二隨科解釋二初酬二問二初酬前生處二初答其生處三初酬

時下放光普示二或有下示土差別三時韋下的求生處二思惟下見土更請因此請淨土正助二因初教我思惟若不思惟不成願樂有願之思乃成業因惟願世尊教我修於淨土願思令成業因此請事善助道之業也次教我正受離邪倒想領納所緣名爲正受此請世尊教我修行淨土觀法卽正觀也二微笑下酬前淨業二初總別分科初業共凡夫等者今

三種福是圓助道與正觀合皆如來行故云三世諸佛淨業正因但以三種有通有局初孝養等通於大小及以博地故云初業共凡夫次歸戒等唯通大小凡夫無分故云次共二乘若菩提心等專在大乘不通凡小故云不共之法
二何以以下隨科解釋二初三種淨業答思惟三初正明淨業三初光照頻婆得道二初釋微笑二初問二答二初解有下答放光觀法得果

者無生法忍是圓三觀習果故也二微笑下答微笑惡業之報害命繫身而為獲果及淨土緣如來心了善惡因果交互萬差欲表內心是故微笑二阿那下釋阿那含二去此下舉果勸脩因二初問大本小本俱云極樂去此十萬億刹刹即大千故云河沙何言不遠二解云下答有二意初以佛力故令脩觀者欲見即見故此云汝當繫念諦觀彼國故知佛力加

欲見者令觀成見後文云一切衆生觀於西方
極樂世界以佛力故當得見彼清淨國土故般
舟見佛而論三力一佛威力二三昧力三行者
本功德力次意卽是光中現土卽目覩見也其
二種見皆由感應雖遠而近然若心性不具塵
刹則佛無應現之理生無感見之功故此經談
是心是佛觀迷此意則非妙宗三第一下正
示往生因二初正示三初共凡夫業此經正被

頓修之機雖修佛行父母師長豈不孝事輪王
十戒豈不止行修能修之心一一稱性何妨所
修慈孝之善共於凡夫二第二下共二乘業
圓頓行者豈違小乘出家之式三歸衆戒威儀
等事但受持之心合於一體依於畢竟而所行
之法共於二乘三第三下大乘不共業依無
作境起無緣誓名發菩提心實相不二而二立
因果殊二而不二始終埋一信此因果方名爲

深讀誦大乘修三智解運圓乘行以此解行教
共行者名爲勸進此三種業得前前者不得後
後得後後者必得前前故今行人能修前二前
二不能修於大乘故云餘二不及是言大乘
二佛告下結難既是佛業驗是圓修故大經中
復有一行名如來行雖云一行而具五行今亦
如是雖是佛業而具三種二諦聽下歎其所
問諦聽等者諸經誠聽皆有此語莫不令人生

於三慧而須按教明慧偏圓能聽所聽能思所
思能念所念若作生滅解者卽三藏三慧無生
解者通教三慧無量無作別圓可知今令羣提
等生圓三慧若不爾者安能此座卽證法忍
三卽得下畧付阿難經如執明鏡等者觀法如
鏡修之如執觀成土現如見面像是知外有三
種淨業內備十六妙觀乃得見也此雖畧付淨
業意說妙觀初住初地者圓住別地俱破無明

是無生忍位妙玄一實位云若入初住正破無明是明圓教無生忍位今意在圓引仁王五種忍位者用顯無生居三忍上若依別教十信伏忍十住信忍十行去順忍十地無生忍妙覺寂滅忍若約圓位五品伏忍六根清淨信順二忍初住至等覺名無生忍妙覺名寂滅忍然別初地卽圓初住故引仁王以證今位行者應知如來將說十六觀法頌彰所說是圓妙觀故云一

切衆生觀於極樂觀成卽得無生法忍是故韋提闍說十六隨詔觀成說訖卽證此之妙位經示此觀是取初住徑捷之門故不可云想事而已二初明下明十六妙觀答正受二初分科二汝是下隨釋二初明韋提見土之由經未得天眼等者問阿那律天眼最勝但見大千豈有得天眼者越十萬億土見安養乎答此語未得分真菩薩天眼非二乘也故大經二十二云

菩薩所得清淨天眼異於聲聞緣覺所得以是
異故一時徧見十方世界現在諸佛大論亦同
此說韋提實大菩薩者此顯韋提本住法身為
欲發起淨土觀法故示同凡此會即得無生忍
者即者方將也此會聞觀將證法忍非謂前文
說無生忍是韋提證前文乃是通說未來衆生
修十六觀能得無生人見示同凡夫之言便謂
前文是韋提證須知即得非已得也既云實大

菩薩乃是久證無生如來據迹言是凡夫心想
羸劣劣想凡夫修之得忍顯茲妙觀能華下凡頗
成圓聖異方便者十六觀法奇異方便也故起
信論云修多羅說有勝方便繫念極樂令生彼
國非直觀名方便者謂彼依正有二方便能令
此土凡夫得見一者修觀正受方便令心眼見
二佛神力示現方便能令目擊既得見之由有
其二種故云非直觀去聲名方便佛力令見亦

是方便未リ韋提乃得二種之見一者將有隨文作觀之見二者已蒙佛力示現見也故云韋提見土之由二韋提下為未來請見土之法二初請韋提先令示現方便而為請由是故經云如我者以佛力故見彼國土然復正請觀法方便乃以衆生而為請緣故經云若佛滅後諸衆生等獨惡不善五苦所逼云何當見極樂世界五苦者疏有二釋初以五道非樂釋二以五罪招報

初釋一
字授幽
榮本增釋初釋者地獄燒煮苦餓鬼饑虛苦畜生屠割

苦人間八種苦天上五衰苦次釋者聖意多含更明五惡招於二報名出大本無量壽經今云大經是也疏文先列三五之名次五惡下釋出三五殺至飲酒五惡因也如大經下釋五痛即花報也五燒下釋五燒即果報也然其二報並無五相各稱五者皆從五種惡因而立故彼五文後皆結云是為一大惡一痛一燒乃至總云

五大惡五燒一故知二五皆從因立二答
二初列觀分科二初列觀義例云夫三觀者義
唯三種一者從行唯於萬境觀一心萬境雖殊
妙觀理等如觀陰等卽其意也二約法相如約
四諦五行之文入一念心以爲圓觀三託事如
王舍耆闍名從事立借事爲觀以導執情如方
等普賢其例可識問今十六觀於三種中屬何
義耶答既不撮乎法相入心成觀信非附法又

非借彼事義立境立觀驗非託事歟矣如來直
談十六觀行修證之門正當從行也問義例三
種皆是理觀今之十六歷依正事何煩三種耶
答託事附法二種三觀有事有理且置未論從
行三觀以何義故不得歷事旣言從行必四種
行常坐一種縱直觀理餘三三昧豈不兼事如
般舟三觀歷念佛事方等三觀歷持咒事法華
三觀歷誦經事請觀音三觀歷數息事覺意三

觀歷三性事此等歷事若非從行攝屬何耶般
舟三昧初觀足下千輪相次第逆緣至肉髻相
彼觀相時即用三觀彼是從行今那獨非況義
例云唯於萬境觀一心豈今依正不唯一心經
文具列十六境相大師但於首題示圖三觀今
將此觀觀十六境正是萬境雖殊妙觀理等又
今三觀并諸歷事三觀若非從行等者那云三
觀義惟三種問今經但於像觀示云是心作佛

是心是佛諸文皆無觀理之語則知佛外不是
事觀縱將此義例觀十五斯是行人用理觀意
據經現文但是事觀答若自依經修觀入證何
須四依解說經意製立觀法大師深得佛旨故
於首題以妙三觀釋能觀觀以妙三身釋所觀
佛而云觀雖十六言佛便周今依大師用三妙
觀觀十六境豈是行人自用觀意應知四種三
昧無不於事觀三諦理但般舟等依定散事

覺意縱任善惡等事是故偏得歷事之名若常
坐等直於三道之事而觀三諦不兼修善及
惡事故受理名今經觀法豈可異於四三昧耶
故知十六正是從行歷事觀理也應知十六皆
用三觀爲想相之法三觀微故且觀落日及以
清水三觀漸著及觀地樹座像佛身下去諸境
皆須三觀二就十下分科以十六觀三類分
之六屬依報者曰標送想之方水表琉璃之地

雖此土物意顯彼邦是故六觀皆彼依報七屬
正報者座爲三聖親依像類三聖真體是故七
觀皆名正報三輩之人自此之彼修因託實事
相不同是故此三自爲一類二第一下隨科
解釋三初六觀觀依報六初日觀二初立意分
科先作日觀意令繫心凡心暗散何能明見淨
土妙境故令專想落日之形一事繫心想之不
已其心則定心若靜細種種觀法皆可造修繫

心之法須落日者欲令定想趣於西方是向彌
陀所居處故 二隨解釋二初佛告下總勸修
觀經韋提希汝及衆生者韋提希等是現在機
一切衆生是未來機故知修觀不專佛世況復
韋提希發起者正爲今人請正受法是故我佛勸
衆生修修法如何專繫一處所謂西方 二云
何下正明日觀三初舉所觀境經文意者謂昔
尊見者或現前見日欲沒相爲所觀境蓋以此

觀所被周徧唯除生下雙目俱盲既不識日故
莫能想若曾有目卽今盲者亦可修之況現有
目見日分明修之越易卽以所見落日爲境想
之令起觀中之日 二當起下正教觀察釋題
觀字明妙三觀題目是總經文是別豈不以總
而貫於別今想落日而能想之觀隨解而進三
藏事定能想所想無非生滅通教事定能想所
想皆如幻化別知能想元是佛性於想能所次

第觀中國人妙解知能想心本具一切依正之法今以具目之心緣於卽心之目令本性目顯現其前斯乃以法界心緣法境界起法界目旣皆法界豈不卽空假中圓人六根常所觸對尚須念念卽空假中豈今修觀煩廢此三此猶總示若別論三觀成目功者以根境空寂故心目無礙以緣起假立故累想日生以其心目皆法法界故當處顯現此之三觀同在一心非二非

三而三而一不可思議以其圓人凡修卽行皆悉如是若不爾者非是圓人修事觀也通人必以知幻之心修諸事定以驗圓人用卽中心成其事觀旣以妙心觀於落日此心堅住能於本性顯現目相不唯閉目能見開目亦皆明了若如此者則目觀成也疏出二義二初教令下除疑大本下卷云若有衆生以疑惑心修諸功德願生彼國不了佛智修習善本願生其國此

諸衆生、生彼宮、敗壽五百歲、常不見佛、不聞法、不見僧於彼國土而受胎生。此人宿世無有智慧、愚惑所致。乃至生彼宮殿、有一念惡事、但於五百歲中不見三寶。故作此觀、令除疑者。經云：不了佛智、則生疑惑。疏云：故作此觀、令除疑惑。即顯此觀能了佛智。若其不用一心三觀、觀落日者、則迷佛智。那名此觀能除疑惑。目觀既盡、餘觀例然。故知大師依乎佛智、立今觀法。

然十六觀屬頓教。故原始要終、皆用佛智。若凡小善、乃於臨終迴向佛智。作衆惡者、須依佛智求滅罪障。此等亦名了於佛智。不生疑惑。既有乘種、生彼速得見佛聞法。預於海衆、不生邊地及胎宮也。二障者、下滅障、即五逆重罪也。彼經說善力弱、故逆謗不生。故彼經云：若有衆生聞其名字、信心歡喜、乃至一念至心迴向、願生彼國、即得往生、住不退轉、唯除五逆、誹謗正法。

若依今經修正觀者下至日想即能滅除五逆重罪是知逆罪得生必由修觀下輩自論者下品下生觀云除八十億劫生死之罪今言六十者恐六字誤問既用法界以為心境顯法界月令閉目開目常得見月即是觀行見法界理當中三品今何判位在名字初屬下下品答理觀事定相即修者心雖不二事雜凡情故未伏惑事定可成理觀忘情伏惑方發故別惑初伏名

觀行位見法界理深伏乃名相似位見分發方得真見法界今之行著觀日觀水及觀琉璃雖用法界心境而觀而惑全未伏凡情尚濃方得名字見法界日非觀行位作此判者蓋約鈍根於日等觀且得定心假想之益故在名字也若利根者法界日顯便能圓伏及任運除二種麤惑豈非日觀歷九品耶問今用理解想日現前縱未斷惑事定已成據下經說下下品人以苦

通故不違念佛但十念頃稱彼佛名。心雖相續終不可類見。目定心因何同。在第九品位答彼由造逆及作衆惡臨終苦逼得遇善友爲說妙法。雖不能念彼佛三身怖地獄故苦切稱名具足十念。既絕後惡卽乘此念託彼蓮中名。下下品。今論始行樂習三昧親善知識聞法了心本具淨土依正諸法標心具修十六觀法故先觀自令心堅住。望後諸觀此當末品。彼人雖卽不

成事定而能十念稱佛不散亦爲定。攝復兼臨終勇決之力故得預於第九品也是故行相雖少不同品位無別。三是爲下結。二水觀二初分科二。二隨釋三。初舉所觀境卽以曾見大陂池水爲所緣境。二見水下正明起觀既稟圓宗知能想心具七大性故以具水之心託彼卽心之水觀於本性令水現前并及諸相皆於心性觀令顯現經文爲四。初作水想妙心既

通性水即生專想澄清令心不散 二既見下
變水成水性具之法轉變自由故可令水而作
堅水 三見水下變水為琉璃水想若成琉璃
可識 四此想下觀琉璃成地心藏具法有何
邊涯無妙觀緣隱而不發今依佛語順性想之
實地光明種種奇相隨心出現此自六段初成
地瑩徹 二下有下寶幢光明 三琉璃下地
上莊嚴 四一一下寶光樓閣 五於臺下華

幢樂器 六八種下風樂演法時實無時節等
者大本云彼無四時不寒不熱及無日月常有
光明寄於此土四方四維有八種風故亦順此
對有八風然彼八風不同此土令物生長及以
衰落但鼓自然之樂演乎妙法之音耳 三是
為下結 三地觀二初分科 二隨釋四初漸
想者轉於水想用表琉璃雖復觀地種種莊嚴
未顯彼佛勝應所居良以三觀尚微猶兼假想

故於彼地名爲粗見。二若得下實觀妙觀功著。三昧有成。見彼勝身所依。莊嚴之相。豈可具陳。應了同居橫具三土。其相非少。如諸經說。凡小善行迴求生。縱依大乘。仍是散善。故感安養淨相。猶劣。若今頓教心觀妙宗所見淨相。永異他部。如修妙觀於同居。纖尚見尊特及實報土。豈淨同居身土一槩。故今地想妙三昧成。見莊嚴事不可具說。三佛告下。明利益。疏云。前

水是想者。蓋託此方水成。中表彼實地。但是假想。故名粗見。今成三昧。實見彼地。則名實觀。言假想不能滅罪。斯是大師順經策進。令其行者速成三昧。非是假想全不滅罪。何以知然。曰觀尚類下品下生滅罪之數。豈粗見地全不除。四作此下顯邪正觀與經合。則攝性見名爲正觀。見相垂經是發魔事。故名邪觀。下去皆然。四樹觀二初分科。二隨釋三初結前生

後 二正明觀行問。目觀水觀者先立境地樹
等觀何不云耶。答別論水目有會見相可指爲
境地樹已下非會觀對將何爲境若通論者皆
得有境何者諸觀皆用教所示相憶持在心爲
所緣境仍了能觀本具此法託境想成令性具
法發明心目是故心觀及所發相一一皆三故
知通論皆得有境此文爲五初觀寶下樹體者
下之莊嚴及生法等皆是能依今一一樹八下

由旬卽所依體 二一下莊嚴相琉璃具云
吠琉璃耶此云不遠謂西域有山去波羅奈城
不遠此寶出彼故以名之頗黎正云牢坡致迦
其狀少似此方水精然有赤白者 三諸天下
明生法生卽衆生諸天童子也以生對諸莊嚴
之事皆稱爲法釋迦毗楞迦此云能勝摩尼正
云末尼此翻離垢言此實光淨不爲垢穢所染
又翻增長謂有此實處必增其威德舊云翻爲

如意隨意此皆義譯也。色中上者謂摩尼之光
間雜衆寶色像殊妙最上無過也。閼浮檀金園
浮具云染部捺陀此是西域河名近閼浮捺陀
樹其金出彼河中此則河因樹立稱金由河得
名如帝釋瓶者帝釋具云釋迦因陀羅此云能
主言其能爲天主言瓶者釋論第十五云有人
常供養天其人貧窮一心供養滿十二歲求索
富貴天愍此人自現其身而問之曰汝求何等

答我求富貴欲令所願皆得天與一器名曰德
瓶而語之言所須之物從此瓶出其人得已應
意所欲無所不得今以妙華涌出諸果如彼天
瓶出種種物故以喻之。四有大下現佛國非
獨現一大千十方佛刹亦於中現樹觀若發轉
觀佛土亦應不難。五觀見下結觀雖因光蓋
見十方土然從樹起故須結末而歸其本。三
是爲下結此乃結樹當第四觀。五池觀二初

疏科二釋經五初明池體體義同樹 二一一

下明池相支派金渠底沙蓮華皆是八池奇妙之相 三其聲下明隨心論其寶水稱適人情自然上樹然後流下故上生經明兜率宮有水游梁棟間與此同也 四其聲下明利益即水聲說法增人觀慧也若空等是說小諸度相好是說大又讚念佛法僧則令人深觀三寶也說法既分大小驗此三寶亦讚別體同體之殊涅

槃經中瑠璃光菩薩欲來此土先放光明非音現青文殊言此光明者即是智慧大師引此立有分別色若心若色唯是一色今水聲說法光明化鳥豈不彰於有分別色色能造心色具於心唯是一色耶須知萬法唯心尚兼權教他師皆說一切唯色但在圓宗獨從吾祖以變義兼別具唯屬圓故 五是為下結觀疏釋八德而對五入并前說法即聲入也疏成六入無非妙

境故令行者速證無生 六總觀二初疏科
二經文四初明總觀二初觀寶樓二初衆寶下
正明觀樓 二其樓下二處樂聲卽樓中天作
及空裏自鳴此樂音中皆詮三寶微妙觀門
二此想下結成總觀最初繫念且審此土落日
及水以爲方便次觀彼國地樹池樓應知此四
得後後者必得前前故樓觀成四事都現是故
至此得總觀名雖云總見若望後觀此猶約畧

故曰粗見 二是爲下結 三若見下明利益
除無量億劫極重惡業者華座中云除五萬億
劫罪前地觀除八十億劫然其滅罪多少之數
皆是佛智如量言之非是初心所能思議但可
信奉而已 四作是下顯觀邪正 二七觀觀
正報二初分科 二隨釋四初勅聽許說 二
說是下佛現身相 三時韋下爲未來請 四
第四下酬請廣明二初別從酬請列五草提因

觀三聖乃爲未來請三聖觀如來酬請須示五門何者既欲觀佛佛必坐座故先觀座又真佛難觀要須想像使心流利是故答三陳茲五觀而獨標佛者以主包徒也二初華下通就所觀釋七具論正報須依前料照於七境文七初第七華座觀二初疏料二經文五初成座法用及辨相子料分三初佛告下明法用謂觀法之用也以由理具方有事用能想之心何法不

具依聖言境就性而觀華座莊嚴不現而現二令其下辨相卽法用所成華座衆相也文四初華色數量二一一下葉間珠光三釋迦下華臺寶網甄叔迦者此云赤色西域有甄叔迦樹其華赤色形大如手此寶色似此華因以名焉四於其下寶幢莊嚴須彌山者此云妙高亦曰安明夜摩天者具云須夜摩此云善時以彼天光明無晝夜之別故曰善時應知能觀

三觀轉深所發勝相漸大如前寶樹止高八十
由旬今之華座臺上寶幢自如萬億須彌驗其
座體極爲高大故知妙境隨觀增明矣 二一
一金色下明能隨機利物座觀若成十方佛事
隨觀皆觀 三是爲下結觀 四佛告下明由
願力成彼佛因中作菩薩比丘名爲法藏於世
自在王佛所發四十八願取此淨土攝諸衆生
今願力成故令所依華座若此 五若欲下明

未來利益 二第八佛菩薩像觀二初分科
二法界下隨釋三初泛明諸佛法身從心想生
欲觀佛身須知觀體體是本覺起成能觀依體
立宗斯之謂矣須知本覺乃是諸佛法界之身
以諸如來無別所證全證衆生本性故也若始
覺在初本覺乃顯故云法身從心想生又復彌
陀與一切佛一身一智應用亦然彌陀身顯卽
諸佛身諸佛相明卽彌陀體是故泛明生諸佛

身以爲觀察彌陀觀體疏約三義釋此經又初
釋初八句二初約感應道交釋二初明佛入生
心報佛法性身者滿足始覺名爲報佛究竟本
覺名法性身始本既真能起應用然須能感應
方現前今論三觀淨心念佛方名能感故云衆
生心淨法身自在此二道交足爲入義復以白
日計天喻始合本影現百川喻應入淨想二
卽是下相隨物現三十等者牒經是故汝等已

下文也明佛下釋義由法報冥故應用自在有
淨心感悉能示現前明佛菩薩者卽指諸佛是
法界身之文也而言菩薩者以法界身通今證
故故業菩薩意明前雖顯示法身入心未明隨
觀現身之相今明觀佛相好佛以相好隨心觀
現故云此顯能隨也二又法下約解入相應
釋前明感前交恐謂佛體異衆生體感不入
今祛此見故云佛身無所不徧既法界無外豈

少異衆生若爾佛體本徧全是衆生色心依止
何故經云入衆生心然雖全是而衆生迷故是
故佛體成出離義今得觀解契合佛體是佛
體入觀解心故得名曰一入相應斯乃始與解
於本覺是故本覺入於始覺問解入相應釋之
方的此義即足何須前約感應釋耶答今之心
觀非直於陰觀本性佛乃託他佛顯乎本性故
先明應佛入我想心次明佛身全是本覺故應

佛顯知本性明託外義成唯心觀立二釋相假
是今觀門故感應釋闕之不可 二是心下釋
中二句二初作是別明二初約能感能成釋作
作有二義一淨心能感他方應佛故名是心作
佛言佛本是無者法身妙絕無有色相迭相見
故心淨故有者衆生淨心依於業識熏佛法身
故見勝應妙色相也二三昧能成已之果佛故
云亦因等也復名是心作佛初作他佛次作已

佛 二是心是下約卽應卽果釋是是亦二義
一心卽應佛故名是心是佛向聞等者佛體無
相心感故有是則心佛及以有無條然永異經
泯此見故言心是應佛心外無佛二心卽果佛
故名是心是佛卽亦無佛之因一句也旣心是
果佛故無能成三昧之因也衆生心中已有如
來結加趺坐豈待當來方成果佛初是應佛二
是果佛此乃消釋經疏之文若論作是之義者

卽不思議三觀也何者以明心作佛故顯非性
德自然有佛以明心是佛故顯非修德因緣成
佛應知外道諸句三教四門所有思議不出因
緣及自然性故佛頂經明乎七大皆如來藏循
業發現一一結云世間無知惑爲因緣及自然
性皆是識心分別計度但有言說都無實義彼
云世間該於九界今於一念妙觀作是能泯性
過卽是而作故全性成修則泯一切自然之性

卽作而是故全修卽性則泯一切因緣之性若其然者何思不絕何議不忘旣以作是絕乎思議復以作是顯於三觀以若破若立皆名爲作空假二觀也不破不立名之爲是中道觀也全是而作則三諦俱破三諦俱立名一空一切空名一假一切假也全作而是則於三諦俱非破非立名一中一切中也卽中之空假名作能破三惑能立三法故感他佛三身圓應能成

我心三身當果卽空假之中名是則全惑卽智全障卽德故心是應佛心是果佛故知作是一心修者乃不思議三觀十六觀之總體一經之妙宗文出此中義徧初後是故行者當用此意修淨土因不可不知故今畧釋二始學下作是共釋二初約始終釋若論六卽皆作皆是今辨修證作是須分始則名字觀行相似三位修而未證故且名作終則分證究竟任運真覺得

名為是意存揀盪故有此釋 二若當下約當
現釋以現釋是以當釋作為令即心見佛法體
以此現因而證當果故以心佛同體名心是佛
觀生彼果名心作佛意在即心念佛及令莫果
修因故有此釋 三正偏下後二句三智融妙
名正偏知無量甚深故喻如海斯乃究竟圓明
大覺與我心體無二無別今依頓教即三惑染
修圓淨心能生諸佛正偏知海此約他佛釋心

生也若依此心能成當果此約已佛釋心生也
二多陀下偏觀彌陀并示觀法二初令偏觀
經是故應當者上已明示心感諸佛心即諸佛
以是義故知可即心而觀彌陀心尚能作諸佛
豈不感於彌陀心尚即是諸佛豈不即是彌陀
應知彌陀與一切佛不多不少諸佛乃即一之
多彌陀乃即多之一一心繫念諦觀彼佛者即
一心三觀也但云諦觀那云三觀以所觀境列

三號故顯於能觀知是三觀何者多陀阿伽度
此云如來阿羅訶此云應供三藐三佛陀此云
正徧知此之三號卽召三德今就所觀義當三
諦正徧知卽般若真諦也應供卽解脫俗諦也
衆即法身中諦也以三德爲三諦三圓融不二異此諸觀
名別體同絕思絕議此乃復見彌陀觀體當以
此觀觀像觀真疏釋三號其文可見問像觀文
中示心作佛示心是佛復以三號顯於三諦妙

觀既立可用此法觀下諸境其若日觀月觀星
觀佛既未示三觀之式何得行人預用茲觀答
佛對當機示觀前後全由聖意非凡所知滅後
之人欲修觀行所用法則須憑四依大師釋題
能觀之觀既論三觀題目是總經文是別豈不
以總而貫於別況云觀佛十六俱包今依天台
修習教觀不憑智者更託何人如般舟三觀妙
門普賢六根懺法皆於定內見聖方宣而大師

教人預習精熟方入道場何不疑之那獨責此
且稟斯宗者若聞若思不離三觀須於動靜用
空假中立一切行若其然者今何不用空假中
心想平日水及樹地等種種相耶如心想自以
何力故日想現前般若經云我所念即見心作
佛心自見心心者不知心心有想則癡心無想
則泥洹彼經初心以佛相為境故言心作佛等
今之初心既先觀目豈不得云心作目心自見

心等耶止觀以彼經此文示於中觀中觀若立
三觀自成如此觀目方依此疏修日觀也況一
切法皆是佛法何得依報非作法耶二想彼
下示觀法子科分經為四初觀佛像二初正明
像觀既是具足三號之像理合於像照空假中
如見此方泥木之像尚須體達性若虛空三身
宛然四德無減觀中寶像豈可不然若於像觀
不達三諦次觀真佛寧見三身二見像下因

像見土像觀既成心眼開發廣見依報地樹諸
相應知樹等出過前樹無數倍也何者以今寶
像必細華座座像高勝樹合覆之皆由妙觀
轉深故使所觀愈勝二見此下觀二菩薩三
聖設化動靜必俱一主二臣非並非別表乎三
法三一妙融真身既然像合相似觀二足佛令
妙觀成三三此想下像放光二初明光照諸
樹二一下明樹皆三像四此想下行者

聞法二初明因定聞二行者下明與經合此
文疏有二釋初須定與教合二須散與定合初
義者謂出定憶持定中聞法須與經中所說符
契故云令與教法相應次意者謂心雖出定對
彼五塵須息愛憎淨平身口三業若兩雖不住
定亦聞法音故云出定入定常聞妙法言與十
二部經教合者以十二部總稱修多羅同名爲
經三藏分之經詮定學律詮戒學論詮慧學故

名經爲定與修多羅合是與定合經若不合名
妄想者若定不合經若散不合定皆是發於魔
事全非像觀禪定故名妄想若已合名麤想見
極樂界者謂以經驗定無差出定與在定相似
得名麤想見彼國界問見此妙事那_{ルヤ}名麤想答
以像望真須分麤妙此想乃是佛觀方便豈可
全同真佛觀耶_三作是下明修觀利益像想
若成真觀可獲故於現身得念佛三昧

